

3

REGIÆ CELSITUDINI
COSMI III.
MAGNIETRURIÆDUCIS
PHILOSOPHICAS HAS THESES

ÆTERNI OBSEQUII IN TESSERAM CONSECRAT,

Et in Templo Florentino Societatis Iesu


Publicè propugnandas proponit

JANNOCTIUS FRANCISCUS CEPPELLI
FLORENTINUS.



FLORENTIÆ, MDCCI.

Apud Petrum Matini Archiepiscopalem Typographum.
SUPERIORUM PERMISSU.





REGIA CELSITUDO



NON est cur mireris, REGIA
CELSITUDO, quod Philoso-
phiam ita Te dignam iudi-
caverim, ut Tibi sistere non
dubitaverim, nam ex quo
tecum in solio iam diu regnat, tanta acces-
sione gloriæ fuit nobilitata, ut se maior
ipsa sub aspectum tuum, vel me prohibente

In venire statuerit. Potius miraberis, quod ea commoda percensere non timeam, quæ è sapientis tuæ mentis sacrario in nos uberri-
me fluunt. At in tanta rerum secundarum, amplitudine, in tam iusto, certoque publi-
ci boni incremento, quis aut silentij in ore, aut detitiæ in pectore inofficiosum sibi im-
peret modum? Peccat sanè in leges viven-
di, atque humanis bonis iniuriosus videtur, quisquis cohibere se potest. Ego verò tuis
sub Syderibus nascendi beneficium sortitus,
& in Mediceæ humanitatis sinu pæne ab
incunabulis educatus, filebo tamen? & vo-
ces procurrentis in plausum animi mei in-
dices, felicitatis nostræ interpretes, atque
Etruriæ universæ sub Te Principe lætitia
gestientis, assiduas, atque incorruptas testes
non effundam? Quis enim ignorat fortu-
natissimæ Provinciæ sortem, quæ vel in-
medijs fluctuantis Italiæ gurgitibus tran-
quillæ pacis malaciam retinet? Quis hic
non videt, quod invidere tam multi de-
bent, Pacis oleas cum Iustitiæ gladio fœde-
ratas? Singulis sartam tectam dignitatem,
iucundum fas, salvum æquissimum ius,
numquam violato tenore constare? Tu
COSME, Tu ille sinceri gaudij auctor, & cu-
rator,

stos, cui tam præsentium bonorum usuram debemus. Tuæ vigili curæ tribuendum, si ad melioris sapientiæ præscriptum, ad humani generis incolumitatem, ad Divinæ præceptionis obsequium sua stat legibus vis, iudiciis auctoritas, Patribus dignitas, liberis honestas, moribus fides, Civibus salus, debita sacris veneratio retinetur. Hæc fiorent, hæc laudantur, sub Te COSME, qui uni Deo manciparis, à quo veræ opes, & præsidia ad bene, diuque regnandum emanant. Hic religiosissimus Numinis cultus omni ævo sælicem Te faciet, tuis amabilem, Civibus carum, exteris suspiciendum, dignumque, qui à Xenophonte expressa veri Principis laudem exultimeris. Quid autem hæc ultra commemoro? Si vel me tacente, animi tui præclaras dotes attonita fama satis deprædicat? Et quanta hæc sint exempla virtutum, quæ hactenus delibavi, quaque rara, quam plena minorum, quam vacua similium, expertia parium plaudenti voce testatur. Addit & prudentiam illam, quam nisi Regnum hæreditarium à maioribus accepisses, consecutus esses, ut regnares. Addit pietatem, qua pulchrius aliquid Regno præstitisti,

61
ut regnare merereris; Addit equitatem, qua
effecisti, ut neminem sub Te Iustitia oppri-
meret inique; nemo Iustitiam dederet im-
pune. Addit magnanimitatem, qua pro-
speram fortunam regis, adversæ obluisti,
eiusque pene rotam fittis, & es Fortuna
Fortunæ. Addit tuam vitam, quam omni-
bus impendis. Addit te ipsum, quem omni-
bus tuæ securus Maiestatis fruendum donas;
si, nilis luci, quæ quo se magis communicat,
& effundit; hoc illustrior habetur. Addit
omnes demerendi artes, quibus humaniter
tibi devincis, quicumque Te adant, at-
que insolite Comitatus miraculo hærentes,
dum discedunt, adhuc retines. Asserit, &
per tuum amabilem geniũ iurat; nemi-
nem reperiri, qui tam vario conferendi ser-
monis paratu opportunius sit instructus, qui
Populorum mores, terrarum spatia, Prin-
cipum consilia, Privatorum curas, Orbis
eventa acriore ingenio, memorisque facul-
tatis præsentiore laude complectatur; ri-
metur, diiudicet. Vnum illud subiciam,
quod omnes precamur; Parce Tibi, & no-
bis, SERENISS. MAGNE DUX, & REGIA CEI-
SITUDO; age moderatius, ut diutius agas,
moderare vires ingenij tui, utere parte tui,

& non

vij

& non Te toto. Satis est particula una Prudentiæ tuæ, ut per eam tota Etruria sit felix; parcius diligas, ut diutius diligas, dum nimis anxie, sollicitèque felicitatem nostram quæris, ne perdas. Quiescere iam licet, & frui præterita vita, cui iam nihil superest agendum. Jam Magni Nomen Maioribus tuis in præmium virtutum à Vicaria Numinis potestate iure collatum præclarioribus virtutibus implevisti; iam Regalia insignia ab eodem Sanctissimo Ecclesiæ Pastore olim accepta, & per manus ingentium Ducum ad Te usque pervenire festinantia, quia honorari cupiebant a Te, nova accessione meritorum illustrasti. Titulos quidem familiæ regios, & stemmata invenisti, sed decora amplificasti. Ultra crescere non potes, qui gloriæ verticem attigisti. Gratulor hanc tibi magnitudinem tuam, & eo vehementius gratulor, quòd, cò deveneris, ut Te maior esse non possis, nisi Te ipse submittas. Submittes autem, si muneris mei tenuitatem ea, qua soles benignitate excipies; debilitatem compensabis meam sapientia tua, timorem umbra proteges, humanitate honestabis audaciam, qua tuas laudes ideò parum fideliter protuli, quia

mul-

viiij
multum extenuavi. Diu vive incolumitati
nostrę. Hoc omnes vovemus, & à superis
exposcimus, quibus annuentibus, ut quan-
tum mortali licet, sis immortalis. Tibi de
nostris annis longissimum ævum fabricabi-
mus, & augebimus.

Regię Celsitudinis Tuę.

Humill. Adulanti. Obsequentijs. Servus, & Subditus
Jannoctius Franciscus Cepperelli.

THE-



THESES
PHILOSOPHICÆ.
EX LOGICA.

Datur Logica Artificialis, hoc est, habitus studio; & exercitatione acquisitus regulativus per regulas certas, & infallibiles operationum nostri intellectus, & est ad alias scientias totales acquirendas solum moraliter necessaria; Est virtus intellectualis secundum partem Analyticam, Topicam, & Sophisticam; Est vera scientia simpliciter, & adæquatè practica; Bonè dividitur in docentem, & utentem, prima est, quæ dat præcepta, quasi in abstracto dehiendi, syllogizzandi &c. Secunda est, quæ per sua præcepta actu dirigit operationes intellectus; Habitus autem Logicæ docentis, & habitus Logicæ utentis non realiter, sed per intellectum solum distinguuntur.

2. Suppositis varijs Obiecti acceptionibus, & divisionibus, obiectum materiale Logicae non sunt voces, neque res omnes, neque intellectus, itaut Obiectum attributionis sit, vel voces rectè dispositæ, vel res rectè cognitæ, vel intellectus rectè intelligens, sed Obiectum materiale sunt operationes intellectus, quatenus dirigibiles, Obiectum formale est ipsa rectitudo, & operatio recta est Obiectum attributionis & licet

Obiectum adæquatum Logicæ sunt omnes tres operationes, asserimus tamen Obiectum principale Logicæ Aristotelicæ esse syllogismum demonstrativum.

3. Entia rationis Logica, ut esse cognitum, esse genus, &c. & universim omnes secundæ intentiones Logicæ non constituntur formaliter per aliquam relationem fictam, neque per aliquod ens diminutum, atque abusivum, sed sunt denominationes extrinsecæ reales provenientes à formis realibus, scilicet cognitionibus taliter, vel taliter tendentibus in obiecta. Universale Logicum est unum aptum prædicari de pluribus; in ipsa actuali prædicatione retinet universalitatem; recte dividitur in quinque quasi Species, quæ sunt Genus, Species, Differentia, Proprium, & Accidens; hæc quinque prædicationes bene definiuntur solius definitionibus, Genus, ut habeat rationem prædicabilis, requirit plures Species saltem possibiles, prædicatur de suis inferioribus per modum totius potestativi, & habet rationem partis actualis componentis unam cum differentia Speciem. Differentia specifica consistit in dissimilitudine essentiali plurium in eodem genere contentorum; rursus dicimus repugnare Speciem immultiplicabilem. Individuum est, quod de uno tantum prædicatur, potest abstrahi ratio communis ab omnibus individuis in particulari.

4. Voces significant primariò, & immediatè res; secundariò verò, & mediatè conceptus. Veritas formalis est conformitas cognitionis cum obiecto sicuti est in se, datur solum in actibus iudicativis non reperitur ergo in rebus, neque in sensibus, neque in simplici apprehensione, in quibus tantum reperitur veritas materialis, & radicalis. Veritas formalis non suscipit magis, & minus, licet suscipiat falsitas, adeoque una propositio, licet non possit alia verior esse, potest tamen esse falsior, non est adæquatè intrinseca actui vero. Ex duabus propositionibus contradictorijs de futuro contingenti, tam absoluto, quàm conditionato altera est determinatè vera, & altera determinatè falsa, etiam præsciendo à Divina scientia, & à Divino decreto Actus semel verus non potest transire in falsum, nec è contrario.

5. Discursus est progressus intellectus ab una notitia³ in aliam; hinc sequitur ad rationem discursus requiri pluralitatem notitiarum, itaut una notitia ab alia inferatur. Discursus includit essentialiter non solum conclusionem, sed etiam præmissas. Syllogismus est oratio, in qua quibusdam positis aliud quid à positis necesse est coniungere, eo quod hæc sint. Vis syllogistica fundatur in illis principijs dictum de omni, & dictum de nullo. Positis præ istis, quibus intellectus assensum præstat, necessitatur, ad assensum conclusionis, tum quoad specificationem, tum quoad exercitium. Demonstratio est syllogismus faciens scire; alia est à priori, alia à posteriori. Demonstratio à priori procedit ex veris, primis in mediis, & notioribus, causisque conclusionis. Datur scientia de novo, quæ non est pura reminiscencia, & definitur cognitio certa, & evidens demonstrans de suo obiecto proprietates per certas demonstrationes. Dividitur in practicam, & speculativam, quæ diversitas desumitur ex fine utriusque. Possunt in eodem intellectu stare simul actus veræ sciendi, opinionis, & fidei tum divinæ, tum humanæ circa idem obiectum materiale.

EX PHYSICIS.

1. **P**hyica, quæ est vera Scientia speculativa habet pro obiecto attributionis corpus naturale, ut naturale. Principia intrinsicæ corporis naturalis sunt illa, quæ neque ex alijs, neque ex alterutris, sed ex his omnia sunt. In fieri corporis naturalis sunt tria, scilicet materia, forma, & eius privatio; In facto esse sunt duo, nimirum Materia, & Forma; Materia prima, quæ est substantia incompleta, definitur positivè, & negativè, positivè sic: Est primum subiectum uniuscuiusque, ex quo fit aliquid cum insit, non secundum accidens, & si aliquid corrumpitur in hoc abibit ultimum; Negativè definitur, quod per se ipsam neque est quid, neque quantum, neque quale, neque aliquid aliud, neque negationes horum, sed id, de quo omnia prædicantur, est ingenerabilis, & incorruptibilis, est pura potentia physica, non metaphysica, quia includit actum

4
actum entitativum; Habet propriam existentiam, per quam saltem inadæquatè existit, præcendendo ab existentia formæ, & licet materia prima non possit naturaliter existere spoliata omni forma substantiali, supernaturaliter tamen potest; Appetit appetitu innato omnes formas, non quidem appetitu simultatis, sed simultatè appetitus. Hic appetitus est indistinctus à materiæ; & est appetitus æqualis ad formas inæquales. Necessitas materiæ primæ colligitur ex conceptu quodammodo transmutationis substantialis, & ex universalissima inductione in cæteris mutationibus, tum naturalibus, cum artificialibus.

2. Forma substantialis definitur communiter: Ratio ipsius quidquid erat esse rei; Formæ materiales educuntur de potentia materiæ; Formæ spirituales sicut non subsistentur à materiæ, ita nec in illius potentia continentur, nec ex illa educuntur, sed creantur à Deo. Falsissima est, inò periculosa in fide sententia Athomistarum negantium omnes formas substantiales, excepta anima rationali, & omnia accidentia physica distincta à substantia, & motu locali corporum, & constituentium omnes mutationes substantiales, & accidentales mutationes per meram Athomotum diversimodè figuratarum combinationem. Dantur igitur in compositis naturalibus, præter formas accidentales formæ etiam substantiales, quæ sunt veræ substantiæ incompletæ; & partes compositi actuates materiam, cum qua constituunt substantiam completam.

Forma licet sit pars principalior compositi tamen non est tota illius quidditas in eodem vivente non dantur simul, præter formam totalem aliz formæ, vel corporeitatis, vel partiales, adeoque Caro, Os, Cor, &c. solum materialiter, & non formaliter differunt. Privatio formæ subsequenter est principium per se fieri corporis naturalis, compositum præter materiam, & formam includit unionem, quæ necesse est utrumque extremum. Hæc unio est modus substantialis superadditus materiæ, & formæ essentialiter requisitus ad constituendum unum compositum, in quo unica tantum datur unio recepta in materiæ. Non distinguitur realiter compositum à suis partibus collectivè sumptis.

3. Na-

3. Natura definitur : Principium , & Causa , motus , & quietis eius , in quo est primò , & per se , & non secundum accidens ; Ais dicitur naturæ limitatrix , quia applicando acti-
vâ passivis producere potest plures effectus naturales ; Ars Chymica directivè concurrens verum aurum efficiens repu-
gnat moraliter , non physicè ; Causa est principium determi-
nans cum virtute adesse aliquid ; Alia est materialis , alia for-
malis , alia efficiens , alia finalis ; Negamus in causis efficien-
tibus mutuat causam , & admittimus posse supernatu-
raliter eundem numero effectum pendere a duplici causa to-
tali . Causa ad hoc ut agat indiget conditionibus requisitis ad
agendum , scilicet , ut detur approximatio , dissimilitudo , &
distinctio inter agens , & passum ; Negamus actionem in di-
stant naturaliter loquendo , & actionem finis in simile in-
qualitatibus corruptivis .

4. Actio , quæ definitur : Actus huius ab hoc non distin-
guitur realiter à passionē , quæ definitur : Actus huius in hoc ;
Probabilis est actionem recipi in passio ; Causa finalis est illa ,
cuius gratia cetera fiunt ; Virtus causæ finalis est sola bonitas
apprehensa vera , vel apparens ipsius finis ; Sola agere ita in-
tellectualia agunt formaliter propter finem ; Substantia produci-
tur immediate ab accidentibus , tamquam à causa instrumentali .

5. Deus immediatus est , & necessarius cui currit ad omnes , &
singulos effectus causarum secundarum ; Hic concursus Dei
non est physica prædeterminatio , quæ multiplici ex capite re-
pugnat ; & præsertim ex eo , quod non coherereat cum libero
arbitrio , & repugnet potentie resistendi , & dissentendi , fa-
ciatque Deum autorem peccati (quæ tamen non censore di-
cimus , sed illativè) ad quod Deus nullomodo prædeterminat
voluntatem creaturæ utiam si peccatum consideretur secundum
esse materiale ; Per hoc tamen non negamus , in d. asserimus
Deum prædefinire actus bonos creaturæ ; Est igitur concur-
sus Dei in actu primò cum causis secundis exhibitio Omni
potentie indifferentis ; In actu verò secundo est ipsa actio ,
qua Deus , & creatura indivisibiliter agunt .

6. Motus , qui est præcipua proprietas corporis naturalis , de-
finitur

6
finitur: Actus entis in potentia, prout in potentia, quæ definitio
convenit successivis, & instantaneis moribus. Dividitur motus
in motum generationis, alterationis, augmentationis, & in mo-
tum localem. Generatio est mutatio totius in totum nullo sen-
sibili remanente, ut subiecto eodem; eius terminus formalis est
sola unio. Subiectum inhaesionis accipientium materialium,
non est totum compositum, sed materia prima, in qua reci-
piuntur mediante quantitate; Hinc negamus fieri resolutio-
nem usque ad materiam primam in generatione substantiali.
Alte aut corruptiva est mutatio in qualitatibus contrariis; aut
medijs manente eodem subiecto sensibili; est motus successi-
vus, & continuus; Intensio qualitatis alterativæ fit per additio-
nem gradus homogenei ad gradum in eadem parte subiecti.

7. Locus physicus est superficies prima corporis continentis
immoibilis; Præter locum extrinsecum datur etiam locus in-
trinsecus, seu ubi modaliter distinctum à loco extrinseco, &
Corpore locato; Per hoc ubi res est formaliter in loco, & per
idem determinatur ad hoc ut sit potius in uno, quàm in alio
loco. Supernaturaliter non implicat penetratio corporum,
licet repugnet naturaliter; potest idem corpus de potentia
Dei absoluta esse in pluribus locis non solum definitivè, sed
etiam circumscriptivè, non potest tamen replicari ipsum ubi.
Non potest dari creatura, quæ sit, & nullibi sit.

8. Vacuum philosophicè consideratum est locus realis ca-
rens corpore contento; repugnat naturaliter, plura experi-
menta, quæ afferuntur a nonnullis ad probandum dari natu-
raliter vacuum non probant intentum, & in specie experi-
mentum præclarissimi Mathematici Evangelistæ Torricelli de
Barometris, seu Vitreis Fistulis cum Hydragiro non probat in
segmento extante, seu parte relicta à Mercurio descendente
usque ad certam mensuram esse vacuum; adeoque egregiè
allucinantur illi, qui dicunt esse demonstrationem ocularem
loci sine locato in prædicto segmento extante Barometri, immò
reponimus esse demonstrationem ocularem loci cum locato.

9. Rursus machina Pneumatica Roberti Boyle, neque
probat fieri vacuum in recipiente, quod est vas vitreum, ne-
ganus

gamus enim totum aerem recipientis deducto pluries embolo, commeare in Anthlyam, attenuatur quidem aer in tali casu, totus non extrahitur: ex tali autem aeris attenuatione sequitur ut non possit deservire animalium respirationi; dum autem animal in recipiente positum respicere nequeat, mirum non est si intereat, idem dicimus de ceteris Phænomenis, quæ succedunt in prædictis experimentis non probari ex illis fieri vacuum. Natura igitur, quæ maxime abhorret à vacuo, utitur tamquam instrumentis vi elastica corporum, virtute trahente embolum in Anthlyis, aeris præssione, tensione, gravitate, (si verè gravitet) levitate, rarefactione, & densitate corporum ad impediendum vacuum; Cum toto hoc tamen asserimus præsertim contra Charlesem per Divinam Omnipotentiam posse fieri vacuum, & in tali casu potest fieri motus gravium, & levium, alijque motus, dummodo non fiat nova corporum disunctio.

10. Tempus est mensura, seu numerus motus secundum prius, & posterius; præter tempus extrinsecum datur etiam intrinsecum, scilicet duratio, quæ est modus superadditus determinativus rei, ut hoc potius quàm alio tempore duret, Implicat creatura, quæ sit, & nunquam sit.

11. Admisso infinito synchathegorematico negamus omne infinitum cathegorematicum creatum, negamus etiam possibilem esse creaturam perfectissimam, qua perfectior sit impossibilis. Negamus etiam creaturam aliquam potuisse esse ab æterno, vel sit permanens, vel successiva.

12. Quantitas est accidens distinctum à re quanta, eius effectus formalis non est extensio localis, aut extensio partium in ordine ad se, aut ratio mensuræ, sed est naturalis impenetrabilitas subiecti, cui inest, cum alio subiecto eodem accidente affecto.

13. Continuum non componitur ex indivisibilibus, siue hæc indivisibilia sint mathematica, ut voluit Zeno, siue sint formaliter indivisibilia, & virtualiter divisibilia, siue indivisibilia divisibiliter locata, quæ alio nomine vocantur puncta infinita, siue sint indivisibilia physica, quæ vocantur minima physica.

14. Pro-

14. Probabilius existimamus cum Aristotele continuum componi ex partibus divisibilibus in infinitum non actu, sed potentia tantum distinctis, & hanc sententiam problematice tantum propugnamus.

15. Mundus est simpliciter perfectus, & unus; non est animatus; non fuit, nec potuit esse ab æterno. Cœli; seu regiones stellarum sunt liquidæ; Negamus systema Copernicanum, & admittimus Thyconicum: Syderibus fixis inest lux innata. Agunt sydera in hæc inferiora non solum per lucem, sed etiam per alias influentias. Elementa, quæ remanent in mixtis solum virtualiter sunt quatuor, scilicet Terra; Aqua, Aer, & Ignis, & constunt ex materia, & forma substantiali distincta à primis qualitatibus: Unicuique elemento conveniunt duæ ex primis qualitatibus una in summo, alia in excellenti; Sunt autem primæ qualitates quatuor, omnes positivæ & activæ, nimirum Calor, Frigus, Humiditas, & Siccitas. Virtutes mortices elementorum sunt distinctæ à substantia ipsorum elementorum, & à combinatione, & temperamento primarum qualitarum, & sunt qualitates positivæ. Elementa in propriis locis non gravitant, neque levitant.

16. Anima benè definitur actus primus corporis organici physici potentia vitam habentis. Conceptus vitæ in actu secundo est perfectio simpliciter simplex, & prædicatur univocè de Deo, & creaturis. Non dantur in eodem viventes, nec simul, nec successivè plures animæ, sed solum unica anima, quæ est principium plurium operationum vitalium; Partes solidæ, & humores non sunt animati; partes verò, quæ vivunt in actu secundo, ut Organa, Caro, Nervi, Pili, Ungues, &c. animantur. Omnes animæ præter rationales sunt materiales, adeoque divisibiles. Potentiæ animæ nec inter se, nec ab anima distinguuntur realiter.

17. Potentiæ animæ vegetativæ sunt nutritiva, augmentativa, & generativa. Est verissima sententia de circulatione sanguinis in corpore animalis. Potentiæ animæ sensitivæ sunt sensus, tum interni, tum externi. Dantur species impressæ non solum in potentia visiva, sed etiam in alijs sensibus. Visio fit